



## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Tempore

**Landsberg, Johannes Justus**

**Coloniae Agrippinae, 1631**

Paraphrasis Epistolæ B. Pauli ad Roman. XII.

[urn:nbn:de:hbz:466:1-47044](https://nbn-resolving.de/urn:nbn:de:hbz:466:1-47044)

## DOMINICA IIII. POST DOMINI NATIVITATEM, Epistola B. Pauli Apostoli, ad Romanos XII.

**N**olite esse prudentes apud vosmetipos. Nullum promale reddentes: prouidentes bona, non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes, non vosmetipos defendentes charissimi, sed date locum ire. Scriptum est enim: Mibi vindictam, & egoretribuam, dicit Dominus. Sed et si esurierit inimicus tuus, ciba illum: si sit, potum da illi. Hoc enim faciens, carbone ignis congeres super caput eius. Noli vinci à malo, sed vince in bono malum, in Christo Iesu Domino nostro.

## PARAPHRASIS IN EANDEM EPISTOLAM.

Rom. 12.

Matth. 10.  
1. Pet. 4.Proverb.  
1. Pet. 3.  
Matth. 5.  
Lucr. 6.

HAE C epistola eundem sermonem, quem superiori dominica auditis, continuat. Vbi enim prior epistola finit: Non altis sapientes, sed humilibus consentientes, ibi hodierna incipit: Nolite esse prudentes apud vosmetipos. Vbi non omnem prudentiam insectatur, quandoquidem scriptum: Estote prudentes sicut serpentes. Et Petrus dicit: Estote prudentes & vigilate in orationibus. Sed hanc prudentiam reprobata, qua est apud seipsum. Itaque ubi tenacitas proprii est sensus, ibi nulli consilio acquiescit, ubi consilii proprium placet, ibi est prudentia apud seipsum. Dicit itaque Paulus in epistola: Nolite esse prudentes apud vosmetipos, seu in aestimatione vestra. Nolite vobis prudentiam arrogare. Qui enim sibi ipsi prudens est videtur, hic cum arrogancia stultus est. Nulli malum pro malo reddentes. Qui enim malum pro malo retribuit, aut simile, aut grauius peccatum admittit. Ille enim qui alteri malum prior intulit, fortasse malum, quod intulit, malum esse nefciuit. Hic autem qui malum reddit, hoc ipso, quod ad viciendum separat, probatur malum sensisse, quod laudenti se reddere tentat. Hoc idem Sapiens monet: Ne dicas, reddam malum pro malo. Expecta Dominum, & liberabit te. Et Petrus ait: Non reddentes malum pro bono, sed econtrari benevolentias. Christus quoque: Bene dicite, inquit, hu, qui oderunt vos. Prouidentes bona, non tantum coram Deo, sed etiam coram omnibus hominibus. Non satis sit vobis, inquit, synceram bonam & habere coram Deo intentionem, nisi & prouideatis, quantum in vobis est, ut quod facitis, id proximo abscendet scandalum sit. Non tamen hoc necessarium est, ut opera vestra hominibus placeant, sed opus est, ut à virtute specieve mala sint aliena, ne scandalizent. Et quamvis difficulter fieri possit, quantum tamen fieri potest, & quantum ex parte erit vestra, cum omnibus pacem habete. Difficile enim non erit in pace esse iustis: ab omnibus autem pacem habere, & omnium sentire charitatem, vix possibile est. Nam verba iustorum & opera sunt iniquis contraria. Maximè autem, quia haud raro coguntur boni peccata reprehendere aliena, dissentire, repugnare quæ voluntatibus aliorum: quare non possunt non offendere. Verum si aliena corda turbantur, quantum ad vos attingit, inquit, vestra sint corda in pace. In qua tunc recte sunt, cum properet Deum.

